

Kalaallit Nunaanni Pinerluttaalisitsiniarnermut Isumalioqatigiissitat suleriaasissaat pillugu nalunaarut

Kalaallit Nunaanni eqqartuussisarnermik inatsimmi § 745, imm. 2 naapertorlugu, tak. inatsit nr. 305 30. april 2008-meersoq, Kalaallit Nunaanni Namminersornerullutik Oqartussat isumaqatigiinniaqatigereerlugit Kalaallit Nunaanni Pinerluttaalisitsiniarnermut Isumalioqatigiissitat suleriaasissaat imaattoq aalajangersarneqarpoq:

Kapitali 1

Isumalioqatigiissitat

§ 1. Kalaallit Nunaanni Pinerluttaalisitsiniarnermut Isumalioqatigiissitat siunertaraat pinerluttaalisitsiniarnermik inatsisit atuuttut iluanni sulissutiginninissaq, taamaaliussallutik aaqqiissutinik isumannaallisaataasunik siuarsaanikkut, paasititsiniaanikkut misilittakkanillu paarlaaqatigiinnikkut aamma SSPK-ataatsimiititalianik siunnersuinikkut.

§ 2. Isumalioqatigiissitap ilaasortai toqqaarneqartassapput Kalaallit Nunaanni eqqartuussisarnermik inatsimmi § 745, imm. 1 naapertorlugu. Inatsiseqarnermut ministeri aamma Kalaallit Nunaanni Namminersornerullutik Oqartussat peqatigiillutik siulittaasumik isumalioqatigiissitat ilaasortaasa akornanni toqqaasassapput.

Imm. 2. Ilaasortanik toqqaaneq aamma siulittaasumik qinersineq ukiumi sisamani atuuttussamik pisassaaq. Toqqaaqqittoqarsinnaavq aamma qinigaqqittoqarsinnaavq.

§ 3. Isumalioqatigiissitat suleqatigiissitaliorsinnaapput sulinerminni atugassaminnik.

Kapitali 2

Siulittaasup suliassai

§ 4. Siulittaasooq allattoqarfimmik suleqateqarluni isumalioqatigiissitat sulinerannik aaqqissuussisassaaq, aamma siulittaasooq isumalioqatigiissitat ataatsimiinnerinik aqutsisassaaq.

Imm. 2. Siulittaasup aalajangertassavaa isumalioqatigiissitat ataatsimiinneriniit qanoq annertutigi-sumik imaqarniliuisoqartassasoq.

Kapitali 3

Allattoqarfik

§ 5. Kalaallit Nunaanni Politimesterip isumalioqatigiissittat allattoqarnikkut ikiorsissavai.

Kapitali 4

Ataatsimiinnerit

§ 6. Isumalioqatigiissitat ukiumut minnerpaamik marloriarlutik naapittassapput. Ataatsimiinnerit Kalaallit Nunaanni ingerlanneqartassapput, siulittaasoq qaqutigoortumik allatut aalajangiingippat.

Kapitali 5

Nalunaarusiaq

§ 7. Isumalioqatigiissitat ukiup siuliani suliarisimasatik pillugit inatsiseqarnermut ministerimut aamma Namminersornerullutik Oqartussanut ukiut tamaasa 1. juli nallertinnagu naatsumik nalunaarusiortassapput. Nalunaarusiaq tamanut saqqummiunneqartassaaq.

Kapitali 6

Atortuulersitsineq

§ 8. Nalunaarut atortuulersinneqarpoq ulloq 12. december 2008.

Inatsiseqarnermut ministereqarfik, ulloq 9. december 2008

BRIAN MIKKELSEN

/ Jens Røn